

以匹爲限、天下服用不聞狹窄、比來任意競好寬大、至于裁袍更加半匹、袍襖亦齊不辨表裏、而爲俗爲

費良深、自今以後不得更然、辛巳、七七於山階寺設齋焉、諸國者每國屈請管内僧尼於金光○光下疑脫明

字、法華二寺、行道轉經、是日京師及天下諸國大祓、壬午、停一年服期、天下從吉、

〔續日本紀光仁三十〕寶龜元年十月己丑朔、卽天皇位於大極殿、

○按ズルニ、此他推古持統、元明、文德、平城等ノ天皇モマタ踐祚以前ニ政ヲ聽キ給ヘリ、推古持

統、元明天皇ノコトハ女帝踐祚ノ條ニ、文德、平城天皇ノコトハ受神璽後經月日而踐祚ノ條ニ

詳ニセリ、就テ看ルベシ、

又按ズルニ、神皇正統記元正天皇ノ條ニ、乙卯ノ年○靈龜元年正月に攝政、九月に受禪、その日即位

トアレドモ、續日本紀ニハ攝政ノコト見エズ、

互讓帝位而踐

〔日本書紀仁德四十一〕四十一○應二月、譽田天皇○應崩、時太子菟道稚郎子讓位於大鷦鷯尊○仁未即

帝位、仍詔大鷦鷯尊、夫君天下以治萬民者、蓋之如天、容之如地、上有驩心以使百姓、百姓欣然、天下安

矣、今我也弟之、且文獻不足、何敢繼嗣位、登天業乎、大王者風姿岐嶷、仁孝遠聆、以齒且長、足爲天下之

君、其先帝立我爲太子、豈有能才乎、唯愛之者也、亦奉宗廟社稷、重事也、僕之不佞、不足以稱、夫昆上而

季下、聖君而愚臣、古今之常典焉、願王勿疑、須卽帝位、我則爲臣之助耳、大鷦鷯尊對言、先皇謂、皇位者

一日之不可空、故預選明德、立王爲貳、祚之以嗣、授之以民、崇其寵章、令聞於國、我雖不賢、豈棄先帝之

命、輒從弟王之願乎、固辭不承、各相讓之、○中既而興宮室於菟道而居之、猶由讓位於大鷦鷯尊、以久

不卽皇位、爰皇位空之、既經三載、時有海人、賚鮮魚之苞、直獻于菟道宮也、太子令海人曰、我非天皇、乃

返之、令進難波、大鷦鷯尊亦返以令獻、菟道於是海人之苞、直饜於往還、更返之、取他鮮魚而獻焉、讓如

前日、鮮魚亦饜、海人苦於屢還、乃棄鮮魚而哭、故諺曰、有海人耶、因己物以泣、其是之緣也、太子曰、我知

不可奪、兄王之志、豈久生之煩、天下乎、乃自死焉、時大鷦鷯尊聞太子薨、以驚之、從難波馳之到菟道宮、